



Gens Avesani 2.0

La Figara 12 ottobre 2019

Paolo Avesani

Del caro sio Alberto l'era gran pasion
de far de parenti 'na granda riunion:
ma l'era oramai 'na mota de ani
che no se incontrava la "Gens Avesani".

Se mi ben ricordo, tanti ani fa,
i otanta de Alberto s'ha festesà:
'na festa fra gente a mi tanto cara
in te la gran casa de la Figara.

Nel domilanove, da Riri e Marieto,
s'era incontrà de Avesani un grupeto,
ma gnente al confronto de 'sta inisiativa
de Cesare al Parco Natura Viva.

Mi son sicuro che tanti animai
de la stesa rassa s'ha visto qua mai
come i Avesani coi disendenti
che grazie a Cesare i è qua contenti.

Ancò se trovemo, un poco inveciadi,
a farse memoria dei tempi pasadi:

a mi me par geri che s'era putin:
son qua el più vecio, frolà pa'l bechin!

Avanti vien nòve generassioni:
speremo le seita le tradissioni
che i noni e che i pari i n'ha insegnà
e che a 'nar perse saria un gran pecà!

Ghe n'è de rivadi da foravia
par far 'sta gran festa in alegria,
parché par l'Italia in volta sen 'nà
ma el cor a Verona l'emo lassà.

E fra el ricordo de quei che i è andadi
e tanti abbrassi fra quei che è restadi
speremo che massa no ghe voja ani
par 'n'altra festa de "Gens Avesani".

Ma qua tuti quanti prima de nar
gh'emo el bon Cesare da ringrasiar:
co' gran simpatia e generosità
l'è el degno erede del so' gran papà.